

չարժները, վագոնները, հեռախօսներն ու հեռագիրը... Կայարանի շէնքերը թողնում են աւերակների տպւոյնը թիւն. գոների և պատուհանների փայտեղէն մասերը հանւած են, կտուրները պոկւած, պատերը քանդւած... Համաճարակները շարունակում են հնձել ժողովրդին: Ձկայ բժշկական օգնութիւն: Դեղատները թալանւած են: Հիւանդները մեռնում են առանց դեղի ու բժշկական օգնութեան: Փամբակի գիւղերում կան բազմաթիւ սոված ու բոկոտն ուրբեր, առանց որևէ խնամքի: Շրջանի դպրոցական կեանքը մեռել է: Բոլոր դպրոցները թալանւած են: Արշալի գեղեցիկ դպրոցի ամբողջ կահկարասիքը այրել են ասկեարները... Բոլոր 8—10 կօօպերատիւները կողոպտւած են»:

Նոյնքան սարսափելի էր դրութիւնը և միւս վայրերում: Նոյեմբեր 22-ից թիւրքերը սկսեցին դատարկել Ալեքսանդրապոլը: Դեկտ. 2 և 3-ին, Հայաստանի կառավարութեան ներկայացուցիչ խոյնեանի նախագահութեամբ կազմւած մի յանձնախումբ ընդունեց քաղաքն ու բերդը: Դեկտ. 4-ին առաւօտեան ժամը 5-ին Ղաթխաչիից շարժւեց մի հայկական զուգարտակ զնդ. Նեստերովսկիի հրամանատարութեան տակ և զբաւեց Ալեքսանդրապոլը: Բերդապետ նշանակւեց զնդ. Դիտիմովը:

Այստեղ ևս՝ ընդհանուր աւեր ու խեղճութիւն. թիւրքերը տարել էին ամէն ինչ, որ կարելի էր եղել շարժել — շոգեշարժ, վագոն, ցորեն, ժողովրդից խլւած պարէնը, բամբակը, տնային իրեր, կայարանների բոլոր դոյքը՝ հեռագրական ու հեռախօսային գործիքներից սկսած մինչև դռներն ու պատուհանները: Բերդը պայթեցրել էին և շատ բան այրել: Գաղաքն ու շրջակայ գիւղերը կողոպտւած էին մինչև վերջին սոսեղը: Անյատակ թշուառութիւն էր տիրում ամէն կողմ: Հակառակ Մեհմեդ Ալի փաշայի Հայաստանի կառավարութեան տւած պաշտօնական հաւաստիացումների, թէ դեկտ. 6-ի առաւօտեան ժամը 9-ից սկսած՝ Բրեստ-Լիտովսկի դաշնագրի սահմաններից այս կողմ ո՛չ մի թիւրք ասկեար չի մնալու և թէ կարգադրւած է, որ հեռացող ասկեարները ո՛չ մի թաղան ու աւերածութիւն չանեն, թիւրքերը հեռանում էին՝ իրենց յետեր թողնելով մահ ու քայքայում...

Աւարը կենտրոնացւում էր Կարսում, ուր հաւաքւած էր հարիւր հազարաւոր փութ բամբակ, 65,000 փութ շաքար, մի քանի տասնեակ հազար եղջիւրաւոր անասուններ, մեծ քանակութեամբ հացահատիկ, կաշւեղէն, բուրդ, մանուֆակտուրա, կահ-կարասիք, պատուհաններ ու դռներ...

Ալեքսանդրապոլ-Երևան երկաթուղագիծը, որ յանձնւեց Հայաստանին դեկտ. 5-ին, մերկացւած էր ամէն բանից. կայարանների շէնքերը՝ աւերակ և անրնակելի, ջրակայարանները՝ փչացած, հեռախօսն ու հեռագիրը՝ քանդւած, կամուրջներից շատերը՝ հրոյ ճարակ...

Նոյն տեսարանը և՛ Երևան—Ջուլֆա երկաթուղագիծի վրա և Երևանի, Էջմիածնի ու Սուրմալուի գաւառների թիւրքերից զբաււած մասերում: Պարսկաստանից դէպի Կարս ու Էրզրում քաշող թիւրք զօրամասերը, խուժանացած, ճանապարհին, ահ ու սարսափ էին տարածում, դորձում էին բռնութիւններ, կողոպտում ու փչացնում էին հայերի գոյքերը: Երկաթուղային կազմածքի պակասի պատճառով Նախիջևանում, Ուլուխանլուում,